

Headline	Anugerah vendor kontrak RM16.9b		
MediaTitle	Harian Metro		
Date	23 Jul 2020	Language	Malay
Circulation	112,705	Readership	338,115
Section	Bisnes	Page No	22
ArticleSize	385 cm ²	Journalist	N/A
PR Value	RM 45,327		



Bernama

Bangi

Tenaga Nasional Bhd (TNB) menganugerahkan kontrak terkumpul berjumlah RM16.9 bilion kepada syarikat vendor di bawah Program Peningkatan dan Kontraktor Bumiputeranya (PPKB) dari 1995 hingga tahun lalu.

Ketua Pegawai Perolehan-nya, Amir Mahmod Abdullah berkata, ia membabitkan 822 syarikat merangkumi 32 vendor di bawah kategori pembekal dan 790 vendor di bawah kategori kontraktor.

"Bagi tahun ini pula jumlah kontrak yang akan dikeluarkan tertakluk kepada permohonan pihak kami kepada Suruhanjaya Tenaga (ST) yang mana permohonan baharu masih dipertimbangkan.

"Namun kami membelanjakan RM7 bilion bagi perbelanjaan modal untuk projek baharu kerja infrastruktur dan pembangunan baharu bagi tahun ini," katanya selepas majlis pelancaran Program Peningkatan Kemahiran bagi Kontraktor TNB di sini, semalam yang dilancarkan Pengerusi TNB, Datuk Seri Mahdzir Khalid.

Turut hadir, Timbalan Ketua Setiausaha Bahagian, Seksyen Vendor, Kementerian Pembangunan Usahawan dan Koperasi, Azrilah Abdul Aziz.

Sementara itu, Mahdzir dalam ucapannya berkata,

Anugerah vendor kontrak RM16.9b

TNB tingkat tahap kompetensi syarikat bawah PPKB



MAHDZIR (tiga dari kanan), Ketua Pegawai Eksekutif TNB, Datuk Seri Amir Hamzah Azizan (dua dari kanan), Amir dan Azrila bersama seorang wakil kontraktor Bumiputera yang menerima replika kad, semalam.

inisiatif program itu bertujuan meningkatkan kemahiran kontraktor menerusi peningkatan tahap kompetensi dari segi kemahiran dan keupayaan teknikal mereka.

"Ini juga bagi memastikan

kerja yang dilaksanakan adalah berkualiti serta mengikut prosedur dan piawain kejuruteraan yang ditetapkan.

"Ia juga sejajar komitmen TNB yang sentiasa berusaha

untuk membangunkan vendor PPKB selaras hasrat negara membina dan memperkasakan sektor perdagangan dan perindustrian," katanya.

Beliau berkata, TNB memainkan peranannya seba-

gai syarikat induk dalam usaha membangunkan vendor khususnya dalam kalangan Bumiputera sejak lebih suku abad lalu yang mana manfaat daripadanya dapat dinikmati.